

פרק עז

(א) לַמְנַצַּח עַל יְדִיתוֹן {יְדוּתוֹן} לְאַסֹּף מְזִמּוֹר: (ב) קוֹלֵי אֵל
אֱלֹהִים וְאַצְעֻקָה קוֹלֵי אֵל אֱלֹהִים וְהֶאֱזִין אֵלַי: (ג) בְּיוֹם צָרְתִי
אֲדַנִּי דְרִשְׁתִּי יָדַי לִלְלָה נִגְרָה וְלֹא תִפּוּג מֵאַנְהָה הַנְּחִם נִפְשִׁי: (ד)
אֲזַכְּרָה אֱלֹהִים וְאַהֲמִיָּה אֲשִׁיחָה וְתִתְעַטֵּף רוּחִי סִלָּה: (ה) אֲחֻזֶּת
שְׁמֵרוֹת עֵינַי נִפְעַמְתִּי וְלֹא אֲדַבֵּר: (ו) חֲשַׁבְתִּי יָמִים מִקֶּדֶם שָׁנוֹת
עוֹלָמִים: (ז) אֲזַכְּרָה נְגִינְתִי בַלִּילָה עִם לִבִּי אֲשִׁיחָה וַיִּחַפֵּשׂ
רוּחִי: (ח) הִלְעוֹלָמִים יִזְנַח אֲדַנִּי וְלֹא יִסִּיף לְרַצוֹת עוֹד: (ט)
הָאִפֶּס לְנִצַּח חֲסִדוֹ גָּמַר אֲמַר לְדָר וְדָר: (י) הִשְׁכַּח חַנּוּת אֵל אִם
קִפֵּץ בְּאֵף רַחֲמֵי סִלָּה: (יא) וְאֲמַר חֲלוּתִי הִיא שָׁנוֹת יָמִין עֲלִיוֹן:
(יב) אֲזַכִּיר {אֲזַכּוֹר} מֵעַלְלֵי יְהוָה כִּי אֲזַכְּרָה מִקֶּדֶם פְּלֹאֲךָ: (יג)
וְהִגִּיתִי בְּכָל פְּעֻלָּךְ וּבַעֲלִילוֹתֶיךָ אֲשִׁיחָה: (יד) אֱלֹהִים בִּקְדֹשׁ
דְּרָכְךָ מִי אֵל גָּדוֹל כְּאֱלֹהִים: (טו) אַתָּה הָאֵל עֲשֵׂה פְלֹא הוֹדַעַת
בְּעַמִּים עֲזָךְ: (טז) גָּאֲלֵת בְּזָרוּעַ עֲמֹךְ בְּנֵי יַעֲקֹב וַיּוֹסֶף סִלָּה: (יז)
רְאוּךָ מִיָּם אֱלֹהִים רְאוּךָ מִיָּם יַחֲלוּ אֵף יִרְגְּזוּ תְהַמּוֹת: (יח)
זָרְמוּ מִיָּם עֲבוֹת קוֹל נְתָנוּ שְׁחָקִים אֵף חֲצִצִּיקָה יִתְהַלְכוּ: (יט)
קוֹל רַעֲמֶךָ בְּגִלְגֹּל הָאִירוֹ בְּרָקִים תִּבֵּל רְגֵזָה וְתִרְעֵשׂ הָאָרֶץ: (כ)
בְּיָם דְּרָכְךָ וּשְׁבִילֶיךָ {וּשְׁבִילֶךָ} בְּמִים רַבִּים וְעַקְבוֹתֶיךָ לֹא נִדְעוּ:
(כא) נְחִית כְּצֹאן עֲמֹךְ בְּיַד מֹשֶׁה וְאַהֲרֹן: